



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Preces, dicendæ in Processionibus pro gratiarum actione.

urn:nbn:de:hbz:466:1-41233

Oratio.

C Oncede nos famulos tuos, quæſumus Domine Deus, perpetua mentis & corporis ſanitate gaudere, & glorioſa beatæ Mariæ ſemper virginis interceſſione, à præſenti liberari triſtitia, & æterna perfrui lætitia.

Oratio.

T Ribulationem noſtram, quæſumus Domine, propitius reſpice; & iram tuæ indignationis, quam juſtè meremur, averte.

Oratio.

D eus, refugium noſtrum & virtus; adeſto piis Eccleſiæ tuæ precibus autor ipſe pietatis; & præſta, ut, quod fideliter petimus, efficaciter conſequamur. Per Dominum noſtrum Ieſum Chriſtum, &c.

Preces, dicendæ in Proceſſione pro gratiarum actione.

Initio Proceſſionis cantatur Hymnus.

T E Deum laudamus: te Dominum confitemur.

Te æternum Patrem: omnis terra veneratur.

Tibi omnes Angeli: tibi cæli, & univerſæ poteſtates.

Tibi Cherubim & Seraphim : incessabili
voce proclamant.

Sanctus, Sanctus, Sanctus: Dominus Deus
sabaoth.

Pleni sunt cæli & terra : majestatis gloriæ

Te gloriosus Apostolorum chorus. (tuæ.

Te Prophetarum laudabilis numerus.

Te Martyrum candidatus laudat exercitus.

Te per orbem terrarum, sancta confitetur
Ecclesia.

Patrem immensæ majestatis.

Venerandum tuum verum & unicum Fi-
lium.

Sanctum quoque paraclitum Spiritum.

Tu Rex gloriæ Christe.

Tu Patris sempiternus es Filius.

Tu ad liberandum suscepturus hominem :
non horruisti Virginis uterum.

Tu, devicto mortis aculeo : aperuisti cre-
dentibus regna cælorum.

Tu ad dexteram Dei sedes: in gloria Patris.

Iudex crederis esse venturus.

Te ergo quæsumus, tuis famulis subveni :
quos pretioso Sanguine redemisti. (rari.

Æterna fac cum Sanctis tuis: gloria mune-

Salvum fac populum tuum, Domine : &
benedic hæreditati tuæ.

Et

Et rege eos, & extolle illos ufque in æter-
Per fingulos dies benedicimus te. (num.

Et laudamus nomen tuum in sæculum : &
in sæculum sæculi.

Dignare, Domine, die ifto : fine peccato
nos custodire.

Miferere noſtri, Domine : miferere noſtri.

Fiat miſericordia tua, Domine, ſuper nos :
quemadmodum ſperavimus in te.

In te, Domine, ſperavi : non confundar in
æternum.

*Deinde dici poterunt Pſalmi, qui ſequuntur ; pro-
ut tempus feret. Pſalmus 65.*

Iubilate Deo omnis terra, pſalmum dicite
nomini ejus : date gloriam laudi ejus.

Dicite Deo, quam terribilia ſunt opera tua
Domine : in multitudine virtutis tuæ men-
tientur tibi inimici tui.

Omnis terra adoret te, & pſallat tibi : pſal-
mum dicat nomini tuo.

Venite & videte opera Dei : terribilis in
confiliis ſuper filios hominum.

Qui convertit mare in aridam, in flumine
pertransibunt pede : ibi lætabimur in ipſo.

Qui dominatur in virtute ſua in æternum,
oculi ejus ſuper gentes reſpiciunt : qui exa-
ſperant, non exaltentur in ſemetiſiſ.

Benedicite gentes Deum nostrum : & auditam facite vocem laudis ejus.

Qui posuit animam meam ad vitam : & non dedit in commotionem pedes meos.

Quoniam probasti nos Deus : igne nos examinasti, sicut examinatur argentum.

Induxisti nos in laqueum , posuisti tribulationes in dorso nostro : imposuisti homines super capita nostra.

Transivimus per ignem & aquam : & eduxisti nos in refrigerium.

Introibo in domum tuam in holocaustis : reddam tibi vota mea, quæ distinxerunt labia mea. (mea.

Et locutum est os meum : in tribulatione
Holocausta medullata offeram tibi cum incenso arietum : offeram tibi boves cum hircis.

Venite , audite , & narrabo, omnes qui timetis Deum : quanta fecit animæ meæ.

Ad ipsum ore meo clamavi : & exaltavi sub lingua mea.

Iniquitatem si aspexi in corde meo : non exaudiet Dominus.

Propterea exaudivit Deus : & attendit voci deprecationis meæ.

Benedictus Deus : qui non amovit orationem meam, & misericordiam suam à me.

Glo-

Gloria Patri, & Filio, &c. *Psalmus 80.*

EXultate Deo adiutori nostro: jubilate Deo Iacob.

Sumite psalmum, & date tympanum: psalterium iucundum cum cythara.

Buccinate in neomenia tuba: in insigni die solemnitatis vestræ.

Quia præceptum in Israël est: & iudicium Deo Iacob.

Testimonium in Ioseph posuit illud, cum exiret de terra Ægypti: linguam, quam non noverat, audivit.

Divertit ab oneribus dorsum ejus: manus ejus in cophino servierunt.

In tribulatione invocasti me, & liberavi te: exaudivi te in abscondito tempeſtatis, probavi te apud aquam contradictionis.

Audi populus meus, & contestabor te: Israël si audieris me, non erit in te Deus recens, neque adorabis deum alienum.

Ego enim sum Dominus Deus tuus, qui eduxi te de terra Ægypti: dilata os tuum, & implebo illud.

Et non audivit populus meus vocem meam: & Israël non intendit mihi.

Et dimisi eos secundum desideria cordis eorum: ibunt in adinventionibus suis.

Si po-

Si populus meus audisset me : Israel si in viis meis ambulasset.

Pro nihilo forsitan inimicos eorum humiliasset : & super tribulantes eos misisset manum meam.

Inimici Domini mentiti sunt ei : & erit tempus eorum in sæcula.

Et cibavit eos ex adipe frumenti : & , de petra, melle saturavit eos.

Gloria Patri &c.

Psalmus 95.

Cantate Domino canticum novum : cantate Domino omnis terra.

Cantate Domino, & benedicite nomini ejus : annunciate de die in diem salutare ejus.

Annunciate inter gentes gloriam ejus : in omnibus populis mirabilia ejus.

Quoniam magnus Dominus , & laudabilis nimis : terribilis est super omnes deos.

Quoniam omnes dii gentium dæmonia : Dominus autem cælos fecit.

Confessio & pulchritudo in conspectu ejus : sanctimonia & magnificentia in sanctificatione ejus.

Afferte Domino patriæ gentium , afferte Domino gloriam & honorem : afferte Domino gloriam nomini ejus.

Tollite

Tollite hoſtias , & introite in atria ejus :
adore Dominum in atrio ſancto ejus.

Commoveatur à facie ejus univerſa terra :
dicite in gentibus, quia Dominus regnavit.

Etenim correxit orbem terræ , qui non
commovebitur : judicabit populos in æqui-
tate.

Lætentur cæli , & exultet terra ; commo-
veatur mare , & plenitudo ejus : gaudebunt
campi, & omnia quæ in eis ſunt.

Tunc exultabunt omnia ligna ſilvarum
à facie Domini , quia venit : quoniam venit
judicare terram.

Judicabit orbem terræ in æquitate : & po-
pulos in veritate ſua.

Gloria Patri, &c.

Psalmus 99.

Iubilate Deo omnis terra : ſervite Domino
in lætitia.

Introite in conſpectu ejus: in exultatione.

Scitote, quoniam Dominus ipſe eſt Deus:
ipſe fecit nos, & non ipſi nos.

Populus ejus, & oves pascuæ ejus: introi-
te portas ejus in confeſſione , atria ejus in
hymnis, confitemini illi.

Laudate nomen ejus , quoniam ſuavis eſt
Dñs , in æternum miſericordia ejus: & uſque
in generationem & generationē veritas ejus.

V u u

Gloria

Gloria Patri, &c.

Psalmus 102.

Benedic anima mea Domino : & omnia,
quæ intra me sunt, nomini sancto ejus.

Benedic anima mea Domino : & noli obli-
visci omnes retributiones ejus.

Qui propitiatur omnibus iniquitatibus
tuis : qui sanat omnes infirmitates tuas.

Qui redimit de interitu vitam tuam : qui
coronat te in misericordia & miserationibus.

Qui replet in bonis desiderium tuum : re-
novabitur, ut aquilæ, juvenus tua.

Faciens misericordias Dominus : & judi-
cium omnibus injuriam patientibus.

Notas fecit vias suas Moyfi: filiis Israël vo-
luntates suas.

Miserator & misericors Dominus: longan-
imis & multum misericors.

Non in perpetuum irascetur : neque in
æternum comminabitur.

Non secundum peccata nostra fecit nobis:
neque secundum iniquitates nostras retri-
buit nobis.

Quoniam secundum altitudinem cæli à
terra : corroboravit misericordiam suam su-
per timentes se.

Quantum distat ortus ab occidente : lon-
ge fecit à nobis iniquitates nostras.

Quo-

Quomodo miſeretur pater filiorum, miſer-
tus eſt Dominus timentibus ſe : quoniam
ipſe cognovit figmentum noſtrum.

Recordatus eſt , quoniam pulvis ſumus :
homo ſicut fœnum dies ejus , tanquam flos
agri ſic effloreat.

Quoniam ſpiritus pertranſibit in illo , &
non ſubſiſtet : & non cognoscat amplius lo-
cum ſuum.

Miſericordia autem Domini ab æterno :
& uſque in æternum ſuper timentes eum.

Et juſtitia illius in filios filiorum : his qui
ſervant teſtamentum ejus.

Et memores ſunt mandatorum ipſius : ad
faciendum ea.

Dominus in cœlo paravit ſedem ſuam : &
regnum ipſius omnibus dominabitur.

Benedicite Domino omnes Angeli ejus :
potentes virtute : facientes verbum illius, ad
audiendam vocem ſermonum ejus.

Benedicite Domino omnes virtutes ejus :
miniſtri ejus, qui facitis voluntatem ejus.

Benedicite Domino omnia opera ejus : in
omni loco dominationis ejus , benedic ani-
ma mea Domino.

Gloria Patri, &c.

Psalmus 116.

Laudate Dominum omnes gentes: laudate eum omnes populi.

Quoniam confirmata est super nos misericordia ejus: & veritas Domini manet in æternum. Gloria Patri &c.

Psalmus. Laudate Dominum de cælis; cum duobus sequentibus; ut supra. Canticum, Dan. 3.

Benedicite omnia opera Domini Domino: laudate & superexaltate eum in sæcula.

Benedicite Angeli Domini Domino: benedicite cæli Domino.

Benedicite aquæ omnes, quæ super cælos sunt, Domino: benedicite omnes virtutes Domini Domino.

Benedicite sol & luna Domino: benedicite stellæ cæli Domino.

Benedicite omnis imber & ros Domino: benedicite omnes spiritus Dei Domino.

Benedicite ignis & æstus Domino: benedicite frigus & æstus Domino.

Benedicite rores & pruina Domino: benedicite gelu & frigus Domino.

Benedicite glacies & nives Domino: benedicite noctes & dies Domino.

Benedicite lux & tenebræ Domino: benedicite fulgura & nubes Domino.

Bene-

Benedicat terra Dominum : laudet & ſuperexaltet eum in ſæcula.

Benedicite montes & colles Domino: benedicite univerſa germinantia in terra Dño.

Benedicite fontes Domino: benedicite maria & flumina Domino.

Benedicite cete, & omnia quæ moventur in aquis Domino: benedicite omnes volucres cæli Domino.

Benedicite omnes beſtiæ & pecora Domino: benedicite filii hominum Domino.

Benedicat Iſraël Dominum: laudet & ſuperexaltet eum in ſæcula.

Benedicite Sacerdotes Domini Domino: benedicite ſervi Domini Domino.

Benedicite ſpiritus & animæ juſtorum Domino: benedicite ſancti & humiles corde Domino.

Benedicite Anania, Azaria, Miſael, Domino: laudate & ſuperexaltate eum in ſæcula.

Benedicamus Patrem, & Filium, cum ſancto Spiritu: laudemus & ſuperexaltemus eum in ſæcula.

Benedictus es Domine in firmamento cæli: & laudabilis, & glorioſus, & ſuperexaltatus, in ſæcula.

Canticum. Benedictus Dñs Deus Iſraël. *ut ſup.* Pag. 295.

V u u 3

Hæc

Hæc autem prædicta, prout longitudo itineris postulaverit, vel omnia vel ex parte cantari possunt. Deinde in Ecclesia, ubi fit statio, ante altare dicuntur sequentes Versus & Orationes. Vers. Benedictus es, Domine Deus patrum nostrorum. Resp. Et laudabilis & gloriosus in sæcula. Vers. Benedicamus Patrem, & Filium, cum sancto Spiritu. Resp. Laudemus & superexaltemus eum in sæcula. Vers. Benedictus es Domine Deus in firmamento cæli. Resp. Et laudabilis, & gloriosus, & superexaltatus in sæcula. Vers. Benedic anima mea Domino. Resp. Et noli oblivisci omnes retributiones ejus. Vers. Domine, exaudi orationem meam. Resp. Et clamor meus ad te veniat. Vers. Dominus vobiscum. Resp. Et cum spiritu tuo.

Oremus.

DEus, cujus misericordiæ non est numerus, & bonitatis infinitus est thesaurus: piissimæ majestati tuæ pro collatis donis gratias agimus; tuam semper clementiam exorantes, ut, qui petentibus postulata concedis, eosdem non deserens ad præmia futura disponas.

Oratio.

DEus, qui corda fidelium, sancti Spiritus illustratione, docuisti; da nobis, in eodem

eodem Spiritu recta fapere , & de ejus femper confolatione gaudere.

Oratio.

DEus, qui neminem, in te fperantem, nimium affligi permittis, fed pium precibus præftas auditum: pro postulationibus nostris votisque fufceptis gratias agimus; te piiffime deprecantes, ut à cunctis femper muniamur adverfis. Per Dominum nostrum Iefum Christum Filium tuum, &c.

De Proceffione in Translatione facrarum Reliquiarum insignium.

Ecclesia, & via per quas tranfeundum est, quàm fieri potest, decentius ornentur. Sacerdotes & Ministri, vestibus induiti, albi vel rubei coloris, prout Sancti, quorum Reliquia transferuntur, exposcunt; & cum luminaribus accensis, omnes procedant, decantantes Litantias, cum invocatione Sanctorum quorum Reliquia deferuntur, & Hymnum, Te Deum &c. Pag. 515.
& Psalmum, Laudate Dominum de cælis, cum duobus seqq. ut supra. & alios Psalmos & Pag. 292.
Hymnos de proprio, vel de communi eorum Sanctorum, quorum Reliquia transferuntur.